



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

Name of School	: TAOIST CHING CHUNG PRIMARY SCHOOL (WU KING ESTATE)
學校名稱	: 道教青松小學 (湖景邨)
Name of Play 劇名	: 一個擁抱
Script writer 劇作者	: 青松戲劇組

Synopsis 故事大綱：

當人生不斷地圍繞著分數，學習講分數，操行講分數，連去食飯選擇那一間餐廳都要用評分的世界。

故事兩位主角姐姐數學科屬於低端人，弟弟語文欠佳，去到連字都好似不識-樣。一個甘願為子女放棄高薪厚職專心照顧子女媽媽，一個不辭勞苦捱更抵夜只為家庭的爸爸，各人都為這個家付出一切。直至有一日，故事就由學校決定要將兩姊妹留班開始.....！姊妹二人得悉惡耗在街上落寞之際，遇上一個奇特婆婆，能夠幫助二人解決困境，但條件是要.....！

每一個人成長都會被社會賦予不同期望，價值觀，如何才能打破這個迷思呢？父母對兒女有著不同的期望，但可曾聽過他們的心底聲音呢？一個看完後不會令你贏在起跑線，卻贏在終點線的劇目。



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

第一場 數字人生

（燈暗，輕音樂漸入，一男女孩從台右走出，音樂漸細。）

靖：家姐，行快 D 啦。如果唔係就返學遲到㗎啦！

倩：細佬，你咪走咁快啦，小心啊！

靖：有屎！咦？家姐，你睇哩度有個十蚊咩！

倩：你唔係諗住執咩！

靖：傻㗎！我諗哩個世界都冇人敢執咩！

倩：仲講，快 D 啦！（學校鐘聲響起，靖二人離去，靖回頭再看十蚊搖頭一笑，此時老師從台另一邊入）

老：顧倩，顧靖，你地兩個都算係學校開校以來第一.....對姊弟同時留班，老師擔心你哋嘅將來，想見一下你哋嘅父母，你叫佢哋聽日黎搵我啦！（老師停頓離場，倩，靖沮喪慢慢步向台前，燈光轉變，台上站著三組人，每組均定鏡不動，隨著音樂，燈光轉變，而每一會作出不同的動作）

靖：家姐點算呀？返屋企實俾媽媽鬧死！

倩：乜你敢返屋企咩？有計，不如去悠閒雜貨店睇下買啲嘢氹翻媽媽！倩飛快離去）靖：等埋咩！

（燈光轉變，見台上佈置成一雜貨店，一老婆婆正在打掃地方）

紅：（鄉音）哎喲，日上三竿。得個睇字又唔買，今日都係要拍烏蠅嘞！（此時倩，靖入）

靖：家姐，不如買條頸鍊俾媽咪咩？

倩：你傻架咩？呢 D 咁貴嘅嘢梗係留俾爹 D 買啦。

靖：不如買呢樣囉？（從貨架拿下一東西）

倩：嘩！呢樣咁貴，我哋唔夠錢架。

J：（Jacky）呢個咁嘅嘢都唔係好貴啫。

傑：（大隻傑）冇錢就唔好學人買嘢啦。

倩：我哋買 D 乜嘢？關你乜嘢事嗎？

J：咁又係唔同一班梗唔關事啦！

傑：係喎，人哋出年要留班喎！

A：你哋.唔好咁講嘢啦！（害羞地說）

L：（Linda）嘩！呢個樽好靚咩！（從貨架取下）

倩：真係好靚咩！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

靖：（一手搶下）家姐，不如就買呢個俾媽咪囉！

倩：睇下幾多錢先啦？（一看，將樽遞給靖）

靖：呢度寫咩百拾，....圓！（貳佰伍拾圓）

J：貳字係繁寫吖，細佬，你唔係連字都唔識吖？（二人笑）

老：咳！冇錯，係二百五十蚊，而且連一毫子都冇得減。（倩正想問折頭）

J：老闆娘，雖然呢個爛鬼樽，我俾得起錢，但係值唔值先？

紅：喂，豆釘！睇你身光頸靚，意為你好醒，原來係豬頭炳。（眾笑）呢個並唔係普通嘅樽，呢個係願望樽。（燈暗，閃電，雷聲）

眾：願望鐘？

紅：唔係願望鐘，係願望樽。相傳遠古時有一個神仙被魔法收伏係個樽入面，只要有人願意解開咒語，神仙就會帶俾佢心想事成嘅願望。（眾人圍成一團，停頓）

眾：唏！（散開）

J：三歲細路哥就信！

傑：俾我就一定唔買。

紅：唔買就唔好混桔，走，走，走。

靖：老闆娘，我想買。

倩：細佬吖，你諗清楚未㗎？

靖：諗清楚㗎，我諗媽咪收到呢個樽實鍾意啫，到時可能心情靚唔鬧我哋留班件事呢。

倩：但係我哋唔夠錢㗎，你睇下我哋得一百九十蚊，仲爭六十蚊。

L：你哋仲爭幾多錢吖？不如我借俾你哋吖？

倩：唔駛嘞，唔該！

紅：喂，細路女，你真係好想買吖？，見你兩個咁得意，就平 D 買俾你啦，一口價二百！

靖：二百，我哋都仲爭十蚊，可唔可以平 D 吖？

老：喂，你知唔知乜嘢叫規舉吖，一口價吖，一口價吖！

A：我幫你俾吖！（怕羞地拿出十蚊）

倩：點得㗎！

A：唔緊要啦，你遲啲先還俾我，咪得囉！

S：唔該晒，Apple 我實還返俾你。（遞給老）

老：多謝晒㗎！



IMPORTANT NOTE 重要告示:

This script is only for reference purpose. Rights for performance or adaptation is protected by copyright and their permission must be sought from the author.

以下劇本只作參考用途，如欲採用或改編，須先取得作者同意。

傑：傻仔，二百蚊買舊咁嘅嘢！

J：喂，如果你見到燈神嘅話，叫佢幫嚇你.....唔好咁蠢吖。（二人離去）

靖：我實叫燈神對付你。

L：算罷啦！佢兩個係咁架嘞！

A：我哋唔同你哋講，我哋要返屋企吖，Bye-bye。

（二人離去）老：喂，喂，喂，走咁快，我呢度仲有好多嘢買㗎。（轉身找箱）

倩：細佬，等埋吖。（走）

老：喂，我呢度仲有個魔法鐘吖！吖？又會走得咁快嘅樂人）（燈暗，音樂入）

第二場 願望成真

（燈亮，音樂漸細。看見媽坐在家中，父女三人最在台左一角，不敢進門，只是媽媽從台外喊叫著）

媽：你地返來啦，快啲洗手食飯啦。

靖：爸爸，陣間點樣同媽媽講阿？

爸：我都唔知，見機行事啦！

媽：食飯啦！

爸：媽媽我買咗加料，我入去拎隻碟裝起佢！

媽：你企定定，係咪有事發生？

爸：冇啊！

媽：冇？你無端端加料？你俾人炒咗啊？

爸：唔係！（姊弟入）

靖，倩：爸爸，媽媽食飯！